



Ruj. Kami : JKSM.600-1/2/4 JLD 5 (44)
Takwim : 25 Rabi'ul Akhir 1441H
Tarikh : 23 Disember 2019

Y.A.A. Ketua-Ketua Hakim Syarie,
Mahkamah-mahkamah Syariah Negeri-negeri

ARAHAN AMALAN NO. 3 TAHUN 2019

Garis Panduan Dan Format Penyediaan Penyata Keterangan Plaintiff, Defendan Dan Saksi Secara Bertulis

Saya ingin menarik perhatian Y.A.A. kepada keputusan Mesyuarat Jawatankuasa Induk Arahan Amalan Mahkamah Syariah Seluruh Malaysia pada 2 hingga 3 Rabiul' Awwal 1441H bersamaan 30 hingga 31 Oktober 2019 di Jabatan Kehakiman Syariah Negeri Terengganu telah bersetuju dan mengesahkan untuk menerima pakai Arahan Amalan berhubung Garis Panduan Dan Format Penyediaan Penyata Keterangan Plaintiff, Defendan Dan Saksi Secara Bertulis, sebagai alternatif kepada keterangan lisan pihak-pihak sebagaimana ketetapan berikut:

1. bagi kes-kes yang melibatkan tuntutan atau saman selain kes permohonan, dengan kebenaran mahkamah, plaintiff, defendan dan saksi boleh menggunakan penyata keterangan secara bertulis sebagai alternatif kepada keterangan lisan semasa perbicaraan. Dokumen tersebut hendaklah disahkan semula/dibuat pengesahan dan ditandatangani di hadapan hakim bicara semasa keterangan pihak-pihak tersebut mula diambil di peringkat pemeriksaan utama;
2. hakim bicara hendaklah merekodkan dalam catatannya bahawa pihak-pihak bersetuju penyata keterangan plaintiff, defendan dan saksi secara bertulis tersebut diterima sebagai keterangan lisan pihak-pihak dan saksi berdasarkan Akta/Enakmen/Ordinan Tatacara Mal Mahkamah Syariah;

3. mana-mana perenggan di dalam penyata keterangan tersebut hendaklah di dalam format soalan dan jawapan serta boleh merujuk kepada dokumen di dalam Ikatan Dokumen (sekiranya ada) secara terperinci. Format penyata keterangan plaintif, defendan dan saksi secara bertulis adalah seperti di lampiran 1;
4. penyata keterangan hendaklah disediakan bersekali dengan Ikatan Dokumen plaintif/defendan (sekiranya ada) dengan menyertakan Indeks Kandungan Ikatan Dokumen berserta muka surat. Format Indeks Kandungan Ikatan Dokumen adalah sebagaimana di lampiran 2;
5. penyata keterangan yang belum ditandatangani berserta ikatan dokumen hendaklah diserahkan kepada pihak satu lagi selewat-lewatnya 5 hari sebelum hari perbicaraan, atau menurut tempoh yang ditentukan oleh mahkamah; dan
6. pihak-pihak boleh memberikan keterangan secara lisan sebagai tambahan kepada penyata keterangan plaintif, defendan dan saksi secara bertulis tersebut atau sebagai penjelasan kepada Ikatan Dokumen yang dikemukakan.

Arahan Amalan ini berkuat kuasa serta merta.



(DATO' DR. MOHD NA'IM BIN MOKHTAR)
Ketua Pengarah/Ketua Hakim Syarie
Jabatan Kehakiman Syariah Malaysia
PUTRAJAYA

**CONTOH FORMAT PENYATA KETERANGAN PLAINTIF/DEFENDAN/SAKSI
SECARA BERTULIS**

DI DALAM MAHKAMAH RENDAH/TINGGI SYARIAH DI
DI NEGERI
SAMAN NO. : TAHUN

NAMA (NO. K/P:)	ANTARA	PLAINTIF
NAMA (NO. K/P:)	DENGAN	DEFENDAN

PENYATA KETERANGAN PLAINTIF/DEFENDAN/SAKSI

Nama :
No. K/P :
Alamat :

- Soalan - Nyatakan nama, no. kad pengenalan dan alamat Tuan/Puan?
Jawapan - Nama saya,....., No. K/P :, beralamat di
(Salinan Kad Pengenalan dikemukakan, mohon diterima dan ditandakan sebagai "P-1")
- Soalan - Apakah permohonan Puan?
Jawapan - Saya memohon hak penjagaan bagi dua (2) orang anak yang bernama (nyatakan).
(Salinan Sijil Kelahiran Anak-anak dikemukakan, mohon diterima dan ditandakan sebagai secara kolektif sebagai "P-2A" dan "P-2B")
- Soalan - Akhir sekali, apa yang Puan ingin beritahu pada Mahkamah?
Jawapan - Saya mohon kepada Mahkamah yang mulia ini meluluskan tuntutan hadanah saya seperti yang dinyatakan di atas.

NAMA]
No. K/P :]
Tarikh :]

.....
Tandatangan Plaintiff/Defendan

.....
Tandatangan Hakim

Penyataan Keterangan Plaintiff/Defendan/Saksi ini difailkan oleh

CONTOH FORMAT INDEKS KANDUNGAN IKATAN DOKUMEN**INDEKS KANDUNGAN IKATAN DOKUMEN PLAINTIF/DEFENDAN**

BIL.	PERKARA	MUKASURAT	DITANDA SEBAGAI	DITANDA SEBAGAI
1.	Salinan Kad Pengenalan Plaintiff	1	P – 1	
2.	Salinan Sijil Perakuan Nikah/Cerai	2	P – 2	
3.	Salinan Sijil Kelahiran Anak-anak	3 – 4	P – 2 (A) P – 2 (B) Kolektif	
4.	Salinan Laporan Polis bertarikh....., No. Report :	5	P – 3	
5.	Laporan doktor (dokumen yang dipertikaikan)	6		ID - 4